

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

მოსახლეობის გარკვეული კატეგორიების თავშესაფრით უზრუნველყოფა

ქვეპროგრამის კლასიფიკაციის კოდი:

061203

ქვეპროგრამის დასახელება:

დედათა და ბავშვთა თავშესაფრით უზრუნველყოფა

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

დასახელება	2025 წელი
ა/რ ბიუჯეტის საკუთარი შემოსავლები	470,850
სულ ბიუჯეტი:	470,850

ქვეპროგრამის მიზანი:

ჩვილ ბავშვთა მიტოვების პრევენცია, დედათა და ბავშვთა უსაფრთხოება, ბიოლოგიური ოჯახის გაძლიერება, საცხოვრებელი პირობების გაუმჯობესება და სოციალური ინტეგრაციის ხელშეწყობა.

ქვეპროგრამის აღწერა:

ქვეპროგრამის ფარგლებში გათვალისწინებულია სხვადასხვა პრობლემების მქონე (მარტოხელა, ძალადობაგანცდილი, მიუსაფარი) დედებისა და ბავშვების დროებითი 24-საათიანი თავშესაფრით უზრუნველყოფა, ბენეფიციარების სადღეღამისო მომსახურება სამკერადი კვებით, რომელთაგან ერთ-ერთი უნდა იყოს სამკომპონენტო სადილი (მათ შორის ბავშვის კვების პროდუქტებით მომარაგება), ბენეფიციართა უზრუნველყოფა ასაკის, სქესის, სეზონის შესაბამისი ტანსაცმლისა და პირადი ჰიგიენის ნივთებით, მათი ფსიქოლოგიური დახმარება, პროფესიული და არაფორმალური განათლების ხელშეწყობა, დასაქმებაში დახმარება, საჭიროების შემთხვევაში სამედიცინო მომსახურების ორგანიზება, სოციალური უნარ-ჩვევების სწავლება, რისთვისაც დღიური დაფინანსების ოდენობა შეადგენს 28 ლარს, ხოლო შშმ ბავშვისა და შშმ დედის შემთხვევაში - 38 ლარს.

ქვეპროგრამის სამიზნე ჯგუფია:

1. სხვადასხვა პრობლემების თანადგომის ქსელის არმქონე დედები არასრულწლოვან შვილებთან ერთად, თუკი ერთი შვილი მაინც არის 10 წლის ჩათვლით;

2. ორსული თანადგომის ქსელის არმქონე ქალები (26 კვირის და მეტი ვადის ორსულობა).

მომსახურების მიღება განხორციელდება სოციალური ვაუჩერის მეშვეობით. ვაუჩერის მოქმედების ვადა განისაზღვრა ვაუჩერის გაცემის დღიდან 2025 წლის 31 დეკემბრის ჩათვლით, თუ ვაუჩერში სხვა ვადა არ არის მითითებული.

ვაუჩერის გაცემის საფუძველს წარმოადგენს:

- განცხადება;

- პირადობის დამადასტურებელი მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია;

- საინფორმაციო ბარათი რეგისტრაციის ადგილისა და თარიღის თაობაზე;

- ბავშვის დაბადების მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია;

- შშმ სტატუსის დამადასტურებელი საბუთის ასლი (ასეთის არსებობის შემთხვევაში);

- ამონაწერი სოციალურად დაუცველი ოჯახების მონაცემთა ერთიანი ბაზიდან (არსებობის შემთხვევაში);

- სოციალური მუშაკის და/ან ზრუნვის საბჭოს დასკვნა (პირველადი ჩართვისათვის).

ქვეპროგრამით გათვალისწინებული მომსახურებით ისარგებლებენ საქართველოს მოქალაქეები, რომლებიც 2025 წლის 1 იანვრის მდგომარეობით და ვაუჩერის გაცემის პერიოდისათვის უწყვეტად რეგისტრირებულნი არიან აჭარის ავტონომიური რესპუბლიკის ტერიტორიაზე. ასევე, იძულებით გადაადგილებული პირის სტატუსის მქონე მოქალაქეები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის ადგილად უფიქსირდებათ აჭარის ავტონომიური რესპუბლიკის ტერიტორია (წყვეტილობის არსებობის შემთხვევაში, პირი არ უნდა იყოს რეგისტრირებული აჭარის ავტონომიური რესპუბლიკის ადმინისტრაციული ტერიტორიის გარეთ) და არ არიან ჩართული ბავშვზე ზრუნვის სახელმწიფო პროგრამის დედათა და ბავშვთა თავშესაფრით უზრუნველყოფის ქვეპროგრამაში.

გამონაკლის შემთხვევებს, ქვეპროგრამის განხორციელების წესსა და მასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ-სამართლებრივი აქტით.

დასახელება	პროდუქტები		
	რაოდენობა	ერთ. საშ. ფასი	სულ (ლარი)
დედა/ბავშვი	42	10,220	429,240

შპს ბავშვი/დედა	3	13,870	41,610
სულ ქვეპროგრამის ბიუჯეტი	45		470,850

ქვეპროგრამის განხორციელების დროითი გეგმა

	1 კვარტალი	2 კვარტალი	3 კვარტალი	4 კვარტალი
მომსახურების მიმწოდებელი დაწესებულებების შერჩევა	X	X	X	X
მოქალაქეთა განცხადებების მიღება	X	X	X	X
წარმოდგენილი განცხადებების განხილვა	X	X	X	X
ვაუჩერების გაცემა	X	X	X	X

მომავალი წლის მოსალოდნელი შედეგი

სხვადასხვა პრობლემების მქონე დედათა და ბავშვთა უსაფრთხოება დაცულია, საცხოვრებელი/ყოფითი პირობები გაუმჯობესებულია, ბიოლოგიური ოჯახი გაძლიერებულია.

პროგრამის საბოლოო შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
სხვადასხვა პრობლემების მქონე დედათა და ბავშვთა უსაფრთხოება დაცულია, საცხოვრებელი/ყოფითი პირობები გაუმჯობესებულია, ბიოლოგიური ოჯახი გაძლიერებულია.	ბენეფიციარების რაოდენობა	45	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი